

**Perdana Menteri Tiba Di Kota Kinabalu Untuk Sambutan Hari Malaysia Ke-50
Bernama
16 Sept, 2013**

KOTA KINABALU, 16 Sept (Bernama) -- Perdana Menteri Datuk Seri Najib Tun Razak tiba di Lapangan Terbang Antarabangsa Kota Kinabalu di sini hari ini bagi menghadiri sambutan Hari Malaysia ke-50 Sabah Maju Jaya Dalam Malaysia.

Ketibaan Najib dan isteri Datin Seri Rosmah Mansor kira-kira 12.45 tengah hari disambut Ketua Menteri Sabah Datuk Seri Musa Aman dan isteri Datin Seri Faridah Tussin serta barisan Kabinet negeri.

Malam ini, perdana menteri dan isteri akan menghadiri sambutan itu di Taman Prince Philip, Tanjung Aru, selain merasmikan ekopembangunan pantai Tanjung Aru.

Timbalan Perdana Menteri Tan Sri Muhyiddin Yassin dan isteri Puan Sri Norainee Abdul Rahman serta Menteri Komunikasi dan Multimedia Datuk Seri Ahmad Shabery Cheek antara tetamu kenamaan di majlis itu.

Pagi ini, Najib dan Rosmah menghadiri Istiadat Perbarisan dan Rapat Raksasa sambutan Hari Malaysia di Padang Merdeka, Kuching, Sarawak.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=977996>